

---

Vi lernos, kaj praktikos

Prepozicio + kiu(j) + o(j)

---

- 1 En kiu botelo estas la ruĝa floro?
- 2 En kiu botelo estas la verda floro?
- 3 Sub kiuj tasoj sidas la blanka kaj nigra kato?
- 4 Super kiu domo flugas la grandaj birdoj?
  
- 5 Malantaŭ kiu domo staras la altaj arboj?
- 6 Dekstre de kiuj tasoj staras Ramono?
- 7 Maldekstre de kiu botelo estas Paŭlo?
- 8 Ĉirkaŭ kiu objekto la muŝoj flugas?
  
- 9 Apud kiuj objektoj troviĝas la glasoj?
- 10 Antaŭ kiu domo staras la malaltaj arboj?
- 11 Sur kiu monto la granda domo estas?
- 12 En kiu mano la muŝbatilo de Sinjoro Nopo estas?
  
- 13 En kiu kurso de Esperanto vi nun estas? BEKUNU aŭ BEKDU?
- 14 En kiu kurso de Esperanto vi baldaŭ estos?
- 15 Pri kiu temo nia instruisto de Esperanto parolis en la lasta leciono?
- 16 Sen kiu aĵo la instruisto ne povas skribi la vortojn de Esperanto?
  
- 17 En kiu urbo vi naskiĝis?
- 18 Sur kiu strato vi nun loĝas, kaj sur kiu antaŭ dek jaroj?
- 19 Bonvolu indiki al mi, en kiu konstruaĵo vi kaj mi estas nun.
- 20 Tra kiuj partoj de la urbo vi iros por iri hejmen post la hodiaŭa leciono?
  
- 21 Ĉu vi povas diri al mi, proksime de kiu urbo okazis la katastrofo de Ĉernobil?
- 22 Ĉu vi scias, tra kiuj landoj oni devas vojaĝi por iri de Hispanio ĝis Polio?
- 23 Diru al mi, en kiu urbo oni trovas la sidlokon de la Unuiĝintaj Nacioj.
- 24 Ĉu vi kapablas diri, tra kiuj landoj fluas la rivero Danubo?